

UELLO

K

GIORGIO ENRICO

~~XVIII V~~

~~2983~~


LEVI







M g. F. bis, 1 ¹ —






ANR 1602

1552

1 EDICT DV ROY
pour la defense des
duels.

2 de Henry IV 1602



A PARIS,

Par la veufue MAMERT PATISSON,
Imprimeur ordinaire du Roy.

M. DCII.

Avec privilege de sa Majesté.

47



Edict du Roy pour la *defense des duels.*



EN R Y par la grace
de Dieu Roy de Frâce
& de Nauarre, A tous
presens & aduenir,
salut. Ayant la corrup-
tion de ce siecle in-
troduit vne opinion & coustume
damnable parmy plusieurs de nostre
Noblesse, & autres nos subiects qui
font profession de porter les armes:
lesquels croyans auoir esté offensez
de faiët ou de parolle, estiment estre
obligez d'honneur de faire appeller
au combat celuy duquel ils preten-

A ij 48

dent auoir receu l'offense: S'en seroiēt
 ensuyuis de si grands & pitoyables ac-
 cidens par la perte d'un grand nom-
 bre de Gentils-hommes de valeur, à
 nostre extreme regret & déplaisir, &
 au dommage irreparable de nostre
 Estat, que nous nous estimerions in-
 dignes d'en porter le sceptre, si nous
 differions d'auantage de reprimer l'e-
 normité de ce crime par la seuerité
 de nos loix. Et d'autant plus que nous
 sçauons combien ceste effusion de
 sang humain est detestable deuant
 Dieu, lequel nous ordōne par expres
 de luy laisser la vengeance, & que ne
 soyons homicides: Neantmoins il
 semble que ce diuin commandemēt
 soit venu à tel mespris, que le Gentil-
 homme qui s'estime estre interessé en
 l'honneur, confesse par telles actions
 de ne pouuoir estre Gentil-homme
 si il est Chrestien obeissant à ce qui est

ordonné de Dieu. Outre cela, nostre auctorité Royale est grandement offensée par tels actes, se presumant vn particulier sans nostre permission, de dōner camp pour le combat dans nostre Royaume, & de se faire la iustice luy-mesmes sous pretexte de conseruer l'honneur, lequel neantmoins l'oblige deuant toutes choses, de porter respect à son Prince souuerain & obeissance aux loix de sa patrie.

P O U R C E S C A U S E S & considerations ne voulans rien obmettre de ce qui se doit & peut seruir au bien, honneur & conseruation de nostre Noblesse, que nous tenons pour le principal nerf de nostre Estat, ny pour conseruer nostre auctorité souueraine, & descharger nostre conscience de l'enormité de tels actes: Ne pouuans aussi supporter plus longuement les iustes plaintes de plusieurs

peres & autres qui craignent que la temerité de ieunesse precipite leurs enfans à ces mauuais conseils & combats, recherchez d'aucuns par ambition au peril de leurs ames & hōneurs, & acceptez par d'autres qui estiment ne pouuoir éuiter le combat pour crainte d'estre tenus moins courageux que leurs ennemis. Apres auoir eu sur ce l'aduis des Princes de nostre sang, autres Princes, Officiers de nostre Couronne, & plusieurs grands & notables personnages de nostre Conseil : Auons par cestuy nostre present Edict perpetuel & irreuocable, dict, statué & ordonné, disons, statuons & ordonnons, PREMIEREMENT que nous admonestons & exhortons tous nos subjects de la qualité & condition susdicte, & leur enjoignons de viure & conuerser ensemble à l'aduenir en toute bonne amitié, concorde

& vnion comme freres & bons compatriotes doyuent faire, se porter honneur & respect selon leurs qualitez, aages, dignitez & charges, suyuant les loix, ordonnances & constitutions de nostre Royaume, leur defendant de se prouoquer à iniure, ny s'offenser l'un l'autre par parolles ny par faicts, sur peine d'encourir nostre indignation. ET A FIN de reprimer la licence & audace de ceux qui entreprennent d'appeller ou faire appeller au cōbat les autres, soit dedans ou dehors nostre dict Royaume, sous pretexte de tirer raison d'une offense, ou autre cause, Nous les auons declarez & declarons criminels de leze Majesté, semblablement ceux qui appelleront pour vn autre, ou qui seconderont, accompagneront ou assisteront lesdicts appelez: Ordonnons qu'ils soyent punis comme tels par nos amez & feaux

les gens tenās nos Cours souueraines,
 & autres nos Officiers, selō la rigueur
 de nos Ordonnances, sans que la peine
 de mort & confiscation de biens
 puisse estre par eux moderee sous
 quelque pretexte que ce soit. V o u-
 l o n s & ordonnons pareillement e-
 stre procedé par mesme rigueur con-
 tre ceux qui ayans esté appelez iront
 au combat, & tous autres qui les ac-
 compagneront & secōderont en ice-
 luy. Mais à fin que ceux qui preten-
 dent auoir esté offensez ou seront ap-
 pellez audit combat, ne puissent se
 plaindre qu'ils demeurent interessez
 en l'honneur; obeissant à nostre pre-
 sent Edict : N o v s O R D O N N O N S
 à nos tres-chers & bien amez cousins
 les Connestable & Mareschaux de
 France, soit que lesdicts Mareschaux
 soyent à nostre suite ou ailleurs en
 nostre dict Royaulme: & aux Gouver-
 neurs

neurs & Lieutenans generaulx de nos Prouinces chacun en l'estendue de son gouuernemēt, qu'aussi tost qu'ils seront aduertis par la partie offensee, à laquelle nous enjoignons de ce faire, ou par autres qui auront esté presens ou en aurōt cognoissance, qu'aucuns de la qualité susdicte pretendront auoir receu iniure à laquelle il eschet faire reparation: faire appeller pardeuant eux les deux parties, auxquelles ils defendront de nōstre part d'en venir au combat, ny entreprendre pour raison de ce aucune chose l'une contre l'autre par voye de faict directement ou indirectement, sur peine de la vie, & apres les auoir ouyes en la presence des Seigneurs & Gentilshommes qui seront sur les lieux & autres qui y serōt appelez par eux: Nous leur donnons pouoir d'ordonner par iugement souuerain sur la repara-

tion de l'iniure ce qu'en leurs loyau-
 tez & consciences ils iugeront estre
 raisonnable. A QVOY lesdictes par-
 ties seront tenuës d'acquiescer & se
 conformer, sur peine tant à celuy qui
 aura faict l'iniure, qu'à celuy qui pre-
 tendra l'auoir receüe, d'encourir no-
 stre indignation, d'estre bannis de
 nostre Cour ou de son pais, & autre
 plus rigoureuse punition qu'il escher-
 ra de faire selon la qualité du faict, de
 tenir prison fermee iusques à ce qu'ils
 ayent satisfait à la susdicte Ordon-
 nance, sans que celuy qui refusera d'y
 obeyr puisse estre eslargy à caution
 ou autrement pour quelque cause ou
 pretexte que ce soit, sinon pour cause
 de maladie pressée: auquel cas il ne
 pourra encores estre eslargy que sous
 bonne & seure garde, qui sera ordon-
 née par lesdicts iuges, & en baillant
 bonne & suffisante caution, partie ap-

pellee, de reintegrer la prison dedans le temps & ainsi qu'il sera ordonné. Et si celuy qui sera condamné à faire reparation s'absente, sera par eux decerné prise de corps contre sa personne, laquelle sera reallement & de faict executée, nonobstant oppositions ou appellations quelconques, pour lesquelles ne sera differé, sans qu'iceluy puisse en aucune sorte estre eslargy que premierement il n'ait satisfait à ladicte Ordonnance. Et où ledict condané ne pourroit estre pris, ses biens seront annotez, saisis & mis sous nostre main en quelque part qu'ils soyent situez. Et ce pendant la partie qui aura obey sera mise comme désà present nous la mettons en nostre protection & sauue-garde par nostre present Edict: par lequel nous defendons sur peine de la vie au condamné, d'attenter ou faire attenter

contre icelle directement ou indirectement: Nous voulons aussi que pareille rigueur soit obseruee contre ceux qui estans entrez en querelle, ayans esté mādéz & appelez par nosdits Coufins ou Gouverneurs, ne cōparoisstront par deuant eux apres la signification de leur Ordōnance faite en leur logis avec l'affiche d'icelle à leurs portes, ou en celles de nostre dictē Preuosté ou auditoire des lieux. Et à fin que lesdits iugemens qui interuiendront sur ce, soyent executez comme il conuiēt: V O U L O N S qu'ils soyent leuz & publiez au lieu où ils seront ordonnez, en presence des Seigneurs & Gentils-hommes qui seront sur les lieux, & pareillement en l'auditoire de la Preuosté de nostre hostel si c'est en nostre suite, ou en ceux de nos iustices ordinaires & enregistrez és greffes d'icelles. Et combien

que nosdits subjets ne puissent iustement estre repris ny blasmez d'auoir en aucune sorte defailly à leur honneur, obeissant à nostre presët Edict, & receuât la reparatiõ & satisfaction qui sera ordonnee par nosdits cousins les Connestable & Mareschaulx de France ou Gouverneurs & Lieutenans generaulx de nos Prouinces en la forme susdicte: neantmoins à fin qu'il ne demeure à eux ny à autres aucune sorte de scrupule ou opinion au contraire: Nous declaronz que nous prenõs sur nous tout ce qu'on pourroit imputer pour ce regard à celuy qui pour s'estimer offensé n'auroit fait appeller son ennemy au cõbat, ou qui ayant esté appellé par iceluy feroit difficulté d'y aller. D'AVANTAGE VOVLONS & nous plaist que le procès criminel & extraordinaire

B iij

§3

soit faict contre la memoire de ceux
 qui de part & d'autre auront esté tuez
 ausdits combats, apres la publication
 du present Edict, comme contre cri-
 minels de leze Majesté. En chargeons
 l'honneur de nosdites Cours de Par-
 lement & de nos autres Officiers, de
 tenir la main à l'execution d'iceluy.
 SI DONNONS en mandement à
 nosdits amez & feaux les genstenans
 nos Cours de Parlemēt que le conte-
 nu en ces presentes ils facent lire, pu-
 blier, & enregistrer, garder & obser-
 uer, gardent & obseruent inuiolable-
 ment & sans l'enfreindre. Car tel est
 nostre plaisir. Et à fin que ce soit cho-
 se ferme & stable à tousiours, nous
 auons faict mettre nostre seel à cesdi-
 ctes presentes, sauf en autre chose no-
 stre droit, & l'autrui en tout. Dōné
 à Bloys au mois d'Auril l'an de grace

m^{ll} six cens deux. Et de nostre regne
le treiziesme.

Signé H E N R Y.

Et sur le reply, Par le R O Y estant
en son Conseil.

D E N E V F V I L L E.

Et à costé V I S A.

Et seellé du grád seel de cire verte sur
double laqs de foye rouge & verte.

4

*Leuës, publiques & registrees, oy & ce
requerant le Procureur general du Roy,
sans que le Connestable, Mareschaulx de
Frâce & Gouverneurs des Prouinces puis-
sent prendre cognoissance des crimes, delits,
& voyes de faicts, non concernans ce qui
est estimé poinct d'honneur entre les Sei-
gneurs & Gentils-hommes & autres fai-
sans profession des armes. A Paris en
Parlement, le septieme iour de Juin, l'an
mil six cens deux.*

Signé,

VOYSIN.



